



DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,*

QUOD LIBETARIIS DISPUTATIONIBUS
manè discutienda in Scholis Medicorum, die Veneris tertid
mensis Aprilis, anno Domini M. DCC. LXXII.

M. STEPHANO POURFOUR DU-PETIT,
Doctore Medico, Præside.

An senescentibus Oculi inflammationibus, conjunctivæ scarificatio?
I.



CULUS undequâque testus, circumseptus,
munitus summi omnium bonorum largitoris be-
neficientiâ, quâ solâ non potuit contegi ut nostris
prospiceret commodis, hâc unâ (anticâ scilicet)
parte pater, plurimis obnoxius infortuniis. Sep-
tem membranâ ac tribus humoribus constans,
ferè sphæricam induit formam cujus diameter una à fundo ad

Ab Autore M. Pourfour Du-Petit, anno 1746. propugnata.

corneæ pellucidæ centrum, elongatur propter peculiarem istius corneæ pellucidæ convexitatem, altera è contrâ transversalis diameter, minuitur quia depressum manet utrumque sub musculis rectis oculi latus. In foveâ osseâ, conicâ, parte anteriori & superiori cranii collocatâ, continetur ac movetur Oculus. Nec majorem partem ejusdem cavitatis occupat. Glandulis enim pinguedine & sex musculis nudatus oculus, nec duodecim lineis longitudo ejus par erit, nec quartam uncie partem pondus ejus superet. Si quid plus aut minus, in longitudo & pondere, eadem glandularum, pinguedinis, muscutorum habeatur ratio. Membranarum, quatuor communes, tres aliæ propriæ dicuntur. Communium extrema, adnata seu conjunctiva nuncupatur, cujus est officium oculum tum ossibus tum palpebris conjungere ut in thalamo suo stabilietur. (a) Hæc albicans, palpebras internè, & scleroticam externè, versus globum reflexa obtegit, relicto orbiculari intervallo cujus limbo, cornea translucida, sicut lapis pretiosus auro, circumducitur. Pretiosa certè cornea cujus pelluciditas summopere tuenda! Cristallinus obscurior fiat, deprimitur vel extrahitur: incisâ corneâ effluat foras aqueus humor, sanâtâ incisione, renovatur: cornea verò, quartâ lineâ parte vix crassâ, si exulceretur, vel cicatrix in ejus totâ superficie remaneat, obtunditur & inutilis prorsus fit oculus, aliundè sanus. Nunc totus à cicatrice albicans, difformis, tristis, quantum mutatus ab illo qui nigricante pupillâ, latus, refulgens, auditus & vocis vices gerit. Quandiu viget oculus, quot indicia sumi possint ab oculorum inspectione dicat quicumque in metoposcopiâ non rudis? Quot amantium minister oculus, eorundem proditor? quam utilis imò necessaria Medico ad diagnosin simul & prognosin sagax oculi inspectio. In ictero, oculi flavi, incipiente febre, paululùm sanguine colorati

(a) Fortun.
Plempii Ophthalmogr. Lib. III.
cap. 3.

Sin in processu cœpit crudescere morbus
Tum verò ardentes oculi *

* Virg. Georg.

urentis calor malum demonstrant, futurum prænuntiant. Ut valeat, absit à conjunctivâ color omnis à nativo tantillùm degener. Nullibi sana, nisi alba. Levi tamen de causâ ruber. Frequens iste morbus est *inflammatio* quam duplici therapiciâ curare tentat Medicus, alterâ generali ut sanguinis è brachio, sa-phena, aut jugulari missione, balneo, enemate, diluentibus: alterâ particulari, nempe topicis. Cum verò (ut accidit non-

nunquam) ita ingravescit *inflammatio* seu *ophthalmia*, ut stagnans humor ullâ arte resolvi nequeat, tunc celebranda venit *scarificatio*.

I I.

SCARIFICATIO est minutissimorum vasorum ex multiplici sectione depletio. Sive igitur uno ictu, cum instrumento pluribus scalpellis armato, sive unico scalpello phlebotomo-ve crebris plagulis celebretur, nihilominus scarificationis nomen audit hoc phlebotomiæ genus. Hæc Chirurgica, balneatoria apud germanos illa nuncupatur. Instrumenti hos in usus confecti varias pluribus in locis figuras reperire est: at quamvis aspectu primo dissimiles videantur, unum tamen & idem instrumentum exhibent. Quamvis enim lanceolarum directio aliâ sit perpendicularis ad cutim, aliâ horizontalis, & cucurbitularum aliâ caloris seu ignis vi, aliâ anthliæ seu foliis aspirantis pneumatici ope sanguinem inspiret, nihil refert: eadem vasorum sectio, eadem sanguinis depletio, eadem proinde operatio, quæ in utroque casu non plus Medicinæ luminis addit quam agrotantibus salutem (a) Quantum valeat opportunè facta scarificatio, non solum immediate in inflammatione, sphacelo & gangrenâ affectis partibus, sed etiã mediâtè ad procurandam sanguinis derivationem aut revulsionem, in cephalalgia, ac præsertim in oculorum inflammatione, nullus in rebus Medicis aded peregrinus qui non fateatur. Jamjam à multis annis cognitæ & cum felici successu factæ hujusce operationis usus præscriptionem inducit, nedum proscriptionem. (b) Omnibus Ægypto versantibus variarum cutis scarificationum pro mittendo vacandoquè sanguine, vice sectarum venarum, usus est notissimus, præsentaneumquè hocce remedium apud eos habetur in capitis cum doloribus, cum inflammationibus, atquè præsertim omnibus inflammationibus oculorum; quæ quidem scarificatio in inflammationibus & fluxionibus humorum ex plenitudine obortis *universalis* vel *totius* appellatur; si verò in parte in quam humor decubuit, *particularis* dicitur. Hanc particularem frequentè in usum adhibent in fluxione paululùm firmatâ, in Erysipelate vel aliquâ aliâ parte inflammatâ, ubi pertimescunt nè in gangrenam degeneret vel in schirrhum abeat. Quæ ex inflammatione cumjucumque partis diù perseverante pertimescenda sunt mala, ea certè oculis præsertim debent ed diligentissimè præcaveri si sint quædam oculorum inflammationes in quibus tanta sit vasorum

(a) V. Amb.
Paré. Lib. XII.
cap. V. Laur.
Heist Chirurg.
Tom I. Tab. XII.
fig. 4.

(b) Prosp. Alp.
L. III.

4

ationia humorisve stagnantis spissitudo, ut nequē ab internorum topicorumve remēdiōrum vi sanguis lymphaticis incarceratus valis resolvi queat ac resorberi.

I I I.

QUAMVIS tenuissima & albicans conjunctiva, innumeris tamen, secundum totam suam extensionem, donatur vasculis serosa tantum sanguinis parti continendae in statu naturali destinatis, & solo visu, nisi obstructione, inflammatione, aut post mortem injectione distentis atque oppletis, non aspec- tabilibus. Serosus iste latex suis in capillaribus vasis, eadem lege ac purpureus latex suis in majoribus, coercetur ac movetur. Indē ut duplex est vasorum ordo, duplex quoque laticis est progres- sio. Arteriosa una quae per arterias lymphaticas, venosa altera quae per venas. Suppeditantur arteriae istae lymphaticae 1^o. à tri- bus arteriis carotidis externae ramulis, quorum unus arteria mus- culi masseteris dictus, super os jugale ascendens ad palpebras & conjunctivam vergit, alter est arteria angularis canthi majoris, in quam desinit arteria maxillaris externa. Tertius verò est arte- riae maxillaris internae propago, quae per scissuram sphæno-maxilla- ris portionem suborbitariam dictam progrediens, ad eandem par- tem advenit. Residuum autem sanguinem excipit vena jugularis externa. Ideò procedit inflammatio, quia sanguis ex vasis san- guineis in vasa lymphatica protruditur, sive ab ipso sanguinis impetu, sive propter nimiam vasorum lymphaticorum dilatatio- nem ex spissioris lymphae praesentia; ejus est generis Oculi (cū quod idem est conjunctivae) rubor, qui nihil aliud est quam nascentis inflammatio, quia tunc sanguis in vasa conjunctivae lym- phatica ad incoloratum limpidumque liquorem recipiendum tan- tum apta intruditur. Turbatur itaque vasorum mirabilis ordo, vasa ex lymphaticis evadunt sanguinea, adnatæ tunicæ distinctus ante- nunc cum iride confunditur color, quibus modò benigni & amabiles oculi

..... Nunc flammea torquent

* Aug. Ep.

Lumina *

ardet, tumet oculus, acris & quasi sale marino impregnatus de- pluit glandulae lacrymalis humor, pruritu torquentur palpebrae, nec illata remanebit visionis porta, corneam dico, quae minus imponē violati nequit quam internum visionis sacrarium. Tex- turam, crassitiem, situm, connexionem ejus sedulo inquire. Ex

vasis lyropaticis texta, tunicâ innominatâ cooperta, in parte anteriori & mediâ inter utrumque oculi canthum sita, continuo palpebrarum motu polita & expurgata, in totâ sui-ipsius periphœriâ cum scleroticâ & adnatâ itâ conjuncta ut adlit communicatio inter vasa conjunctivæ & corneæ. Quamdiû vigent istæ membranæ, non patet communicatio; in ophthalmiâ verò totius conjunctivæ, sanguis in majoribus ejus vasis coarçervatus, inspissatus, à tergo semper versûs corneæ limbum pulsus, affinium corneæ vasorum oscula continuo nisu distendet, lymphatico-vasculosam corneæ penetrabit substantiam, tunicam innominatam sublevarit. Hic minimis & ultimis sanguini coërcito vasis nullus nisi retrorsum exitus datur, quem finem citò assequeris sanguinis missione, balneo, si ex plethorâ tantum originem ducat hæc inflammatio; si ex calore sanguinis, diluentibus; si verò ex sanguinis vicio, lue venereâ, scorbuticâ, curatu difficillimâ, durante causâ durabit & effectus, quodcumque feceris, oleum & operam perdes, omne topicum, inutile; felix nimium si è salubribus insalubria, è medicamentis venena non fiant.

I V.

SANGUIS ad circulationem continuam in corpore peragendam natus, diutius intrâ vasorum parietes immotus impune coerceri nequit. A tergo semper adveniens sanguis, magis ac magis coarçervatur, & eo plus distenduntur vasa. Præterea requietus sanguis brevî in putredinem vergens, jam ultra modum tenso internos vasorum corrodit parietes, tum sanguinis & vasorum fit corruptio, & ubicumquè sic stagnaverit sanguis deses, pars in abscessum brevî aut gangrænâ, aut deniquè in sphacelum abit. Cui si præcavendo, sanando-ve malo feliciter, imò necessariò adhibeatur scarificatio, quidni & oculo iisdem in casibus mederetur? Cûr majori cum cautelâ adhibita, fausto minùs omine celebraretur? De hæc autem operatione, si cû de cæteris Chirurgiæ operationibus, & Pharmaciæ medicamentis sentiendum esse dijudico. Ea est sortis humanæ conditio, ut ubi quid parùm usitati, quamvis non sine successu tamèn ab aliis tentati, nosmetipsi aliquoties incassum experti fuerimus, vituperemus & malimus tanquam nocivum repudiare inventum quod, alieno nè vertat honori, nostro probro metuimus, quasi probrum non esset, nolle ab aliis discere & doceri quod sine nostrorum concivium detrimento ignorare non possumus. Quotidiano usu & felici testantur Angli vesicam in collo aut in latere incidi im-

punè; à nostris, quia pluriès tentata infelicitèr hæc operatio, tanquàm noxia ejuratur. *Ad extrahendum è vesicâ calculum di- versa-nè minùs pro re natâ debet usurpari Chirurgia?* Nihil scpè aut parùm ab Ægyptis & extraneis Oculariis tentata proficit scarificatio conjunctivæ. Quid indè? Repudiabitur nè? Circumforaneorum Oculariorum potiùs imperitiâ & pravum instrumentorum delectum incusa; noli alienum crimen in beneficam & innocuam operationem vertere. Jàm in balneatorium uno icto cum pluribus scalpellis, & chirurgicum qui fit successivè cum unico scalpello distinximus scarificandi modum. Quotiès Chirurgus ex crassâ cute sanguinis quantitatem revulsioni vim habentem scarificationis beneficio educere voluerit, balneatoriâ utatur, dummodò minutissima secentur vasa & sanguis ex iis educatur; nullus inter ea delectus: quænam secentur, nihil interest: longè aliter in oculo. Circa hoc versatur difficultatis cardo. Inter correpta inflammatione vasa, pro ratione propriæ suæ debilitatis, plus minùs vè varicosa fiunt; indè efformantur majores vel minores velutî sacculi (præsertim *senescente inflammatione*) qui magis ac magis ampliores facti, capillarium corneæ vasorum ostia diducunt, inter lamellas ejus viam sibi sternunt, & eam caligant, non solam: Oculus enim aliundè sanus, nunc tanquàm telâ obvelatus, frustra videre tentat. Quæ modò corpora, nunc umbræ, homines, nunc phantasmata; quæ modò lux, obscuritas; dies, vertitur in noctem. Hujusce generis ophthalmiæ per scarificationem curandæ causâ, quasi balneatorium, ex secalinis Aristis quibus calix ejus squamosus munitur. sibi effluxerunt instrumentum, peniculi vel scopulæ instar, dilacerandis potiùs asperitate suâ, quàm secandis varicosis conjunctivæ vasculis aptum. Secalinarum Aristarum loco, bordei Aristis utebatur Chirurgus quidam Anglus. (a) » Quia verò, inquit, fragiles nimium & fractu faciles inter oculi globum & palpebras, ita ut novus » indè exoriatûr morbus, tutius aliud inveni scarificatorium ex » tritici aristis (hordeo rigidioribus) compositum « Aliis equisetum majus placuit, aliis ficûs folia, os sepiæ. Alii non meliùs consulti, radulam quamdam ferream excogitarunt, quibus omnibus instrumentis similiter utuntur, quam operationem vocant gallicè *brosser l'œil*. Talis operatio, talis effectus. Jàm ultrâ modum tensa, & calefacta, irritatur, accenditur conjunctiva, majora minoraque ejus vasa indiscriminatim lacerantur, peccant majora, minora plectuntur, & status ejus pejor priore. Quid ergò

(a) Supplement.
à Bened Daddell.
Chirurg. Lond.

agendum? Est modus in rebus agendi. Periculum minantur majora tantum quædam vasa varicosa, consilioquæ nunquæ scarificatorium dirige, nequæ scopulis, peniculis, radulis, tanquam oculo infestissimis utere. Sufficit acus chirurgica deprimendæ cataractæ apta ex utrâque parte exacuata. Totidem sacculi herniarii, totidem sectiones. Nè quid nimis? Depletis majoribus vasis, citò evanescet per ramificationes, anastomosis, ex capillaribus vasis incarceration sanguis. Qualis erit inflammatio, talis erit & scarificatio; nec plus, nec minus. Non soli conjunctivæ, & indè corneæ, sed interno etiam oculi globo forsan salutaris erit hæc operatio, choroidi, uvæ, retinæ per communicationem ramificationum carotidis externæ cum arteriâ opticâ, ita ut non tantum conjunctivam & corneam immediatè ab ulcere & cicatrice, (quod solum nobis probandum incumbit,) sed totum etiam oculi globum ab inflammatione, gangrænâ, mediâtè vindicabit hæc *scarificatio Chirurgica*.

V.

UBI pars aliqua inflammatione corripitur, convenit sanguinis depletio. Sed, inquires, revulsiva tantum, non verò derivativa. Ergò nec partis inflammatae scarificatio, quia eò major sanguinis copia in partem affectam fertur. Quis dubitat à revulsione esse ordiendum, in eâ perseverandum? Sed tandem nullum erit revellendi finis? Si revulsionis vim omnem eluserit malum pervicax; si mollitie pulsus, eucrasia totius reliqui corporis, functionum cæterarum omnium integritate constet nullam esse plethoram in toto corporis habitu præter vitium loci, quid derivationem reformidabis? Revulsionem primò necessariam asserimus, nedum illi repugnemus. At incassum celebratâ revulsione, tunc tutò ac securè, tunc necessariò ad derivationem tanquam ad sacram anchoram nec immeritò confugimus. Ea sola salus, eò securior, quòd revulsione præviâ, depleta satis vasa nullum derivationi immediatè ex parte affectâ faciendæ periculi metum relinquunt. Instas, si non nociva hæc scarificatio, saltem inutilis, quia nullus ferè sanguis ex vasis exiguis elicitur. Quid, si iste nullus ferè sanguis, solus noceat, solus foveat inflammationem? Quid optas amplius? At effectus & expertissimorum virorum testimonia alienam esse à vero hanc objectionem pronunciant, quia certum est scarificationis ut & venæ-sectionis beneficio æquè crassum sanguinem & eandem quantitatem detrahi. Tange non-

nihil membranam, inquit, dolorem excitas, à fortiori quid mali non advehet conjunctivæ scarificatio? In eo præstat nostra scarificatio, quia nulla laceratio, nulla inutilis incisio. Ergò dicis, non scarificatio, sed punctura? Puncturam apage. Nescis structuram corneæ tendineam, nerveam, membranofam reformidare puncturam quamcumque Punctus tendo, solâ incisione curatur. Fiat igitur incisio, quæ pluriès repetita variis in conjunctivæ locis, ubi opus est, strangulatas ubique partes laxet, captivum ac desidem sanguinem liberet. Quod si eodem quo monuimus modo, iis oculi inflammationibus, quæ nullâ priùs arte curari potuère, celebrata hæc scarificatio prosperum habeat exitum, necessariò concludendum venit,

Ergò senescentibus Oculi inflammationibus, conjunctivæ scarificatio.

DOMINI DOCTORES DISPUTATURI

M. Antonius-Joann-Baptista-Maclov. GUENET.

M. Edmundus-Claudius BOURRU, Bibliot. Facultatis Præf..

M. Stephanus DUPETIT.

M. Paulus-Gabriel LEPREUX.

M. Joann-Antonius ÉLIE DE LA POTERIE, antiquus Regis in Porta Brencsi Medicus.

M. Paschasius BORIE.

M. Ludovicus-Claudius GUILBERT, antiquus Regis exercituum Medicus ordinarius.

M. Josephus-Jacobus GARDANE, Censor Regius & Regiæ Scientiarum Societatis Mompeliensis necnon Regiarum Academicarum Nancei & Massiliæ Socius.

M. Florentius Carolus BELLOT, utriusque Pharmaciæ Professor designatus, Professor Regius.

Proponerebat Parisiis JACOBUS-FRANCISCUS DE VILLIERS, Sam-Maxensis apud Pictones, Doctor Medicus Pontimussanus, antiquus exercituum Galliæ Regis in Germaniâ Medicus, Saluberrimæ Facultatis Medicinæ Parisiensis Baccalaureus, A. R. S. H. 1772. A SEXTA AD MERIDIEM,